

**UKUSIYA WO'KERECA
UMWENE WO WIRIMU
YESU KRISTU NNASAREE
(ISWALI YO'THAPHULA N'IPHOME YA YESU)**



Uwa-woorera wu'mweneni wo wirimu wa Yesu Kristu o nasaree toko mwene ni Nluku nkumi. Yesu Kristu phiri paahi iphiro yo khweli yo wirimu. **(Yohani 14:6)**. Nkhume ukumi wo'tampi, nturuwele w'Aphwiya nenna va, ikereca ittakattifu y'Apwiya ihanle vaakani ukusiya, nkele umwene wo wirimu uhinaaya utamihinya. (ikuru co nsalapa ni iphome ya Yesu) ivuvenle ukalvariya (**I Akorinthu 6: 19-20**), iphome ya Yesu ihonivaha ikuru co'tthema ikhotto ni unitaphula ikhirini n'utthukiya ni sotwani. Vano sotwani kharina tho ikuru yo'nilamula, hi nihovahiya ulamuli yo ntthema ni iphome ya Moopoli ihu Yesu Kristu (**iphome yo mwakontwaa**), **Wiicoonihera 12:11**.

Ikereca ittakattifu y'Apwiya ihanle vakani ukusiya vathi va. (ukusiya wo'kereca), inhiye ukosa, mmwaakhele Yesu Kristu nohala uwa wa attakattifu awe yathumilyawe wa nsalapani. Mi kinawurerihani mwa ncina na Yesu Kristu toko Pwiya ni Moopoli o'kumi ihu. Ila ilivuru ila itaphuleliye iluka ye'kunya ni'makhuwa – meetto, ataphulelaka nrumeyi a Nluku, ncina nawe Martinho Amisse- nhakheli ookereca.

**Nluku oreriheni,
Petrida Karch.**



MOOLUMO YANTIKHIYE

Umwene wo wirimu vathi va	4
Iswali yo' mwakhela Yesu	6
Malamulo o'mwene wo wirimu	7
Ifayita yo woopwa/ umwamini Yesu	8
Nleehano no'phome ya Yesu n'ikuru co nsalapa mwa apinatamu	11
Mapuro siita (6) avuvihiye iphome ya Yesu	12
Ikuru co phome ya Yesu mwa'pinatamu	13
Ikuru co nsalapa mwa'pinatamu	14
Iswali co taphuliya nkalaposo ni iretta cikhwawe	16
Nhupi aka wa nyu	20



UMWENE WO WIRIMU VATHI VA

Ila ittuninya ila ipattusiye wiira irweehele uhoolo umwene wo wirimu, nanso wo mananna owonnya. Nluku ri nuulumo, nlattu wo nuulumo nawe uyo hopattusa irimu ni itthaya. Ni yeela phi isariya yuulupale innicuweliha wiira nuulumo na Nluku ri mwanene Nluku. Irumu iri ya Nluku itthaya yavahilyawe apinatamu iri isariya yo nuulumo nawe phinpattusilyawe ntthu (**Atamu ni Eva**) wacera wiira Nluku akhalane, alamule ni atthumiri ittuninya nlattu wa apinatamu ni nnepa unkhala ni yaayo, **Mateu 25:34**. Apinatamu ahovahiya nteko wo'khalana, ulamuli ni utthumiri ittuninya toko asana a Nluku (owoopoliya ni Nluku) (**Mphattuwelo 1: 26-27, Ncipo 115:6**). Itampi ihonhaleeliha pinatamu ikuro cawe ni ulamuli wo'khalana n'uttumiri itthaya. Itampi ihowiha uhipatthanaca nulamuli wa Nluku o wirimu, vathi va hokela nlamuli nkina ooholela ni ipiphi. Ntthu oopacera aakhala iluwani yo wirimu. Eteni ottuninya yo munnepani ri toko umwene wo wirimu vathi va, vano ukosa waya nlattu wolya nhokororkho wo iriyari, ayo ahokosa ni ahomwalaana ni Nluku ni upatthanaca waya uhomwaryaca.

Itampi ihowiha uhanyuriha, ni uri uhiiwanana, atthuna uhipanka cinttunaya nlamulo. Itampi ihomwalaniha nleehano na Nluku ni apinatamu (nleehano nowihaninya hi asana a Nluku ni asana o wu'mweneni).

Urukunusa nrima/ uleveleliya uhoorya uturusela vathi va umwene wo wirimu ni ithathuwa cothene toko upaceriha uvahiyeehu ni Nluku mwa Yesu Kristu. Phimaana Nluku inifentoni mwawe, holakela univeleeliha vathi va Mwanawe mmoca paahi wiira oopole ittuninya n'iphome awe **(Wiiconihera 5: 9-10)**. Umwene wo wirimu uhoturuwela vathi va nlattu wa Yesu Kristu toko Mwene ni Yehova toko Nluku iho (Nluku Nkumi o wirimu). Mananna mamoca pahi oohala uturuwela yooyo o mwene uyo uri urukunusa nrima ntampini **Mateu 4:17**.

Ukhuma ukati yooyo, Yesu hopacera ulaleera eraka:

"Nrukunuse nrima, kontha, umwene wo wirimu uri wakiviru".

Yesu ri iphiro yo'khweli ni ukumi. Nyu khannorya ukela umwene wo wirimu wohilaphulula wiira Yesu Kristu phi Pwiya ni Moopoli ookumi inyo.

Mpanke ila iswali ila ni mi ni ncu nowirunya wacera nyu mmwakhele Yesu Kristu nnasaree ni nkele umwene wo wirimu (umwene woohimala).



ISWALI YO' MWAKHELA YESU-WOPWA

Paapa, mwa ncina na Yesu Kristu o nasaree nkumi, Pwiya kinavekela uleveleliya itampi caka cothene cikosilyaka ikhumelo kinari mwana mpaka nna. Kinaavekela nifuttiye ncina naka nlivuruni mo nookhwa ni nanthikiye ncina naka nlivuruni yo'kumi. Mi kinankhottela sotwani mananna awe othene ni ikuru co mpiphini. Kinaalaphulula wamithoni wa Yesu Kristu nnasaree wiira ileelo kinawaakela Yesu toko Pwiya aka ni Moopoli okumi aka. Ukhale ni ukumi aka wothene, irooho aka ni nnepa aka ukhuma ileelo mpaka ukati wothene. Kinawusukuruni Pwiya Yesu nlattu wookopola, ukilevela itampi caka ni ukitaphula.

Nyu mwaswaliki ni nrromelo, ncuwele wiira nhoopwa ni Yesu Kristu ri ni nyu (wanrimani winyu). Uwa worera w'umweneni wo wirimu (Nluku ri nkumi). Womwamini Yesu nyu nhotthenkemaniha wiiwanana wo maana nyu ni Yesu Kristu ni Nluku o wirimu kontha ni iswali toko ila nyu nhaakhela citthu tthaaro:

- 1. Yesu Kristu;**
- 2. Nnepa Nttakattifu;**
- 3. Nyu nhothatuwa mwana a Nluku nkumi ni nyu cicamo nri akumi.**

Nhinihiye Yesu, mwampelele ni woopwa, nnemecere uttakattifu enyu, ikereca ihanle vakaani ukusiya.



MALAMULO O'MWENE WO WIRIMU

Khula umwene haawo Mwene, malamulo ni mikhikicero cinkhikicera umwene. Umwene wo wirimu mwene aya ri Yesu Kristu, Nluku aya ri Yehova, malamulo aya amphwanyannya Mpipiliyani ittakattifu ni akhikiceriyaka ni anakhotto aneehaninya ancelo attakattifu. Yooyo umwene uyo unhooleliya ni nrromelo ni phi mananna mamoca owulumihana Nluku ni atthu awe ciri iswali, mawooni, mittora, nuulumo na Nluku, ulaleriya na arumeyi awe o'khweli. Ntthu pattusiye ni rooho ni nnepa, manaaya wiira eeli mwa nttu mmoca. Ala atthu ala ankhala wamoca ni anhala umwalana nihuku no'khwa. Mmoca ri nhina nkina uyo ri vate. Ntthu o vate iri irutthu inyu ni onhina uyo iri orooho enyu inhala ukhala ukati wothene. Ntthu onhina pattusiye ni nnepa ni cicamo irooho. Vano irooho impakhirya nnepa mwakhwaka, nnepa unkusiya ni irooho phihiyaka irutthu yo vate vano nyu phirwaka wirimu atthuna umoroni ukela uhukhumwinya woomalihera. Ittuninya yomunnepani iri yookawanihinya miphinko miili:

- **Ittuninya yo waarya (umwene wo wirimu).**
- **Ittuninya yo Mpiphini (umwene wa sotwani).**

Nuulumo na Nluku ri mwanene Nluku, nuulumo na Nluku niri nkikhikicero atthuna mwakiho wariyari wo mphwiko wa Nluku ni sotwani. Malamulo o'mwene uyo ari miiteko coreera ni cowantikhiya ittoraa ya Mussa (**Nlamulo 5:6-22**).

Ntthu onhina pattusiye ni nokhala ni nuulumo, a somaka Ipipiliya, a swaliki, ewelelaka co laleriya na arumeyi o'khweli, atthukaka ramatani ni avaraka miteko comaana. **Mateu 4:4**

"Yesu ahomwakhula eeraka; ihantikhiya wiira: kuhimwena ni nkatthe paahi ntthu phinkhalanawe ukumi, nanso wo nuulumo nothene ninkhuma wamalakuni a Nluku".

Nkhale oolipa ni nuulumo na Nluku, nhinhiye Yesu, hata ikereca awe ittakattifu. Cohiminya ciherannya, woovikana toko caahiminyaaya. Coohiminya co Wiiconihera ni ca Taniyeli cinahala wirannya ni utthariheleliya, Mwene ehu hanle vakaani uphiya wiira yaakusiye ikereca ittakattifu. Nhiye itampi nturuwele w'Apwiya. Nkhora wo woopwa ni wokiriri nanlelo uri woohuliya, uhanle vakaani utthennya ni ukusiya wo'kereca unhala wiirannya naanano.

IFAYITA YO WOOPWA (UMWENE WO WIRIMU)

Atthu enci khancuwela ifayita ni yoreera wamwakhelaka Yesu. Khiiwo ifayita yuulupale nttuninyani yopwaha unkhalana Yesu mwa nyu n'ukhala n'umwene yooyo nna va ni ukati wothene. Yesu ri iphiro imoca paahi atthuna nkhora wo'kelela umwene wa Nluku Nkumi **(Yohani 14:6)**. Nyu nnokela yooyo nkhora uyo mamwaakhelaka paahi Yesu Kristu toko Pwiya ni Moopoli ookumi inyu.

IFAYITA YO WOOPWA / UMWAKHELA YESU.

1. Ncina ninyu ninhatikhiya nlivuruni yo'kumi wo'himala wirimu.
2. Khuuwo uretta yooyo umwene uyo, uri paahi ukumi woohimala.
3. Nyu nhaakhela ukumi woohimala nna va ni ukumi wooholo mwakhwaka (ukati wo'hukhumo).
4. Nyu nnaakhikiceriya na ancelo attakattifu ukati wothene vathi va.
5. Nyu khannohala ulweennya ni ikuru co mpiphini **(Ikontha 23:23)**.
6. Nyu nhohiya ittuninya yo'piphi ni nhopittinkuwa n'urwa ittuninya yo waarya inholellyla ni Yesu Kristu toko mwene ni Yehova toko Nluku o yoola umwene ula.
7. Itampi cinyu ciholeveleliya, ulaphiya uhotamihinya mwa nyu vano nri akumi ni nhorerihya mwa Yesu Kristu **(Isaya 1: 18/ 43:25)**.

8. Nhaakhela nkhhikicero wo'mwene wo warya, nhokhhikiceriya ukumi inyu wothene, ukati wothene.
9. Nyu nnahaala woona yohoolo akhunanyu ahinaaya woona (ukumi inyu wohoolo) n'ikuru co Nnepa Nttakattifu uvahiyeenyu wopwa winyu. Kinawulipiherani venci, nyu nthothanla iphiro yomaana, nyu nthothanla mareriho ni ikhweli yo'kumi enyu nenna va ni uhoolo, nyu nhonthanla Yesu ni nhonkhottela sotwani, nyu nthothanla urwa wirimu ni nhokhotta urwa umooroni (**Wiicoonihera 20:15**).

Ikhumelenle isiyani wopwa winyu/ umwakhela winyu yesu m'ukumi winyu?

Woopwa winyu, nyu inri ikhiyumpe yonaanano. Nyu nhoyarya imara yo nayeeli nttuninyani yo munnepani. Wankupalinyu Yesu, nyu nthothanla ukumi wonaanano, ukumi wo'rerihiya ni nnema kontha Yesu ri mareeriho ni nnema. (**Yakopu 3:10**) wapankileenyu iswali wiira mmwakhele Yesu, ntthuminri malaku vano phithanlaka mareeriho ari mwanene Yesu ni nhokhotta ulaphiya. Nhoreeriya ciicammo, nanso ale othene ahinkupanli Yesu (ahinonkhuluvela) ankhala oolaphiya ni Nluku wonwo uhilyaawe vathi va ukati ukenlaya itampi nttuninyani nlattu w'Atamu ni Eva. Nlattu wo'phome ya Yesu ninaawoorya utamiha wonwo ulaphiya nwo n'ukhala ootaphuwa muutthukiyani mwa sotwani ni ciicammo muulaphiyani. Ifayita cikhwawe cinhaleenyu waakhela mwakupaliki umwaakhela Yesu mu'kumi mwinyu:

1. Nyu nholeveleliya itampi cinyu cothene (**1 Yohani 1:9**).
2. Ncina ninyu nihantikhiya nlivuruni mo'kumi wohimala wirimu (**Luka 10:20**).

3. Nyu nthothatuwa ikhiyumpe yonaanano (2 Akorintu 5:17 ni Annefesu 4:22-24).
4. Nyu inri okhikiceriya ni ancelo attakattifu ukati wothene (Ncipo 91:11-12).
5. Nyu nthothatuwa inupa ya Kristu ni ya Nluku vathi va (Yohani 14:23 ni Annefesu 2:22).
6. Nnepa nttakattifu unkhala mwa nyu (Akorintu 6:19).
7. Nyu nhaakhela iyuulupaale yo'ntthema sotwani n'atthu awe othene ni miteko cawe cothene khacirina ikuru co wutthemani (Luka 10:19 ni Yakopu 4:7).
8. Nyu nnahala wunwelela N'ukisiya ni Yesu wanhalaawe uwa ukusa ikereca awe (atthu owoopwa) kontha nyu nhaana ukumi wohimala (1 Atesalonika 4: 16-17 ni Yohani 5: 12).



NLEEHANO NO'PHOME YA YESU **IKURU CO NSALAPA MWA APINATAMU**



Iphome ya Yesu ihokusa nleehano waavaha apinatamu, ihaana ikuru co'ntthema sotwani ni umwene awe venci venci yaala mahuku ala uhinaaya ukati wokusiya ikereca (**Wiicoonihera 12:11**), nihothuminya ni iphome yoorera ya moopoli ehu Yesu Kristu nnasaree, nihothatuwa otaphuliya kanihimwena tho ipottha co'tampi (**1 Akorintu 6: 19 -20 ni Yohani 12:11**). Ukhuma nenna va sotwani kharina tho ikuru, woorya ni uyuulupaale mwa Kristu Yesu (ikuru co nsalapa ni nnyo co'phome ca Moopoli ehu Yesu Kristu) ivuvihiye ukalvariya wiira nittheme ikhotto n'unitaphula, uttayi wo khirini ni ikalaposo ya sotwani. Ittuninya ineera iviraka n'umala wo'kati, mahuku ariihu ala nineetthenkemaniha ukisiya wo 'kereca (uturuwela w'Apwiyeehu ni moopoli ehu Yesu Kristu nnasaree) ukusa ikereca awe ittakattifu. Mahuku ariihu ala kahimwena ookhwya nhina mo'ttuninya nlattu wo ikhotto co ittini cinaateliha ukela wu'mweneni wo wirimu n'umaliha umooroni (mooro). Ncina na Yesu, Nnepa Nttakattifu, nuulumo na Nluku ni ikuru co nsalapa cothene ciri co'kuru, nanso iphome ya Yesu iri yo'kuru cinene, wa yoola ukati ula wo wiitthenkemaniha ukisiya wo ikereca. Wiicoonihera iri iluvuru inhimyaca umala wo'kati wo ittuninya iriihu uhinaaya ukisiya ikereca ni umalamalihiya wo'lapo. Umwene wo mpiphini (sotwani) uyo notthumiri ikuru yuulupale wiira aateelihe atthu enci ahituruwele wa Nluku ri nkumi, wacera ahikusiye ni ahaakhele woopwa, hi

niri nkhottoni wo munnepani wiira, n'ikuru cihu co mwirutthuni khaninoorya untthema sotwani wari uhikhanle ni ukuru co Nnepa Nttakattifu ni iphome ya Yesu ipankile nleehano ni hi venci venci ukati woomalihera ula (Wiicoonihera 12:11).

"Ayo yahontthema Mlattu wo'phome yo mwakhontwa ni nuulumo no'saahiti; ni khayaafentile ukumi aya mpaka ukhwa".

MAPURO SIITA (6) AVUVIHIYE IPHOME YA YESU

1. **Iphome wiitho** – Yesu ukati waaswalyawe o mwaakoni yetsemani (**Luka 22:41-44**), yeeyo iphome iyo ivuvile Yesu aswaliki, iphome yaatatheela wiitho wawe, apinatamu aholawiha waakhela yo witho, yo'reeriha, yo'khala Nluku mwa hi ni hokwattula itapha co'thene cilawihileehu nanitthukile ncasera (sotwani).
2. **Iphome mmakhatani** – ukati waattakaciyaawe mmakhatani, yeeyo iphome iyo ihotthumiriya mmiretteni ni ihonitaphula irretta cothene.
3. **Iphome mmatatani** – Yesu waakhomeliyaawe mmatatani, iphome awe ihonivaha iyulupaale yo'voniha, waathatela matata aretta n'uvona. Nihovaheriya uvoniha iretta cothene, **Marku 16:17-18**.
4. **Iphome nnyaani** – iphome ya Yesu ivuvile nnhaani ukati wakhomeliyaawe ni nsomari, ihonivaha ithathuwa yo'pattha, utthumiri n'utthema ikuru cothene ca mwinani **Ncipo 91: 13; Luka 10:19, Ncipo 60:12**.
5. **Iphome mmuruni** – Yesu wawarihiyaawe ikhwerempa yo miiwa, iphome awe ihofutta ulaphiya waalaphiyeehu n'itthaya cicammo ni sotwani ni uhotthukulela ucuwelaca, wuupuwela ni ankhili apintamu ni honitaphula. (**Mphattuvelo 3: 17-18**).

6. **Iphome miphantte cikhwamwe** – iphome ya Yesu ivuvile miphantte cikhwamwe ukati waahominyaawe Yesu ni anakhotto wiira amoneehe mari nakhwile, iphome ni maasi yahovuva, maasi, ayo ari maasi o’kumi, hi apinatamu nihaakhela ukumi wo’himala ni iphome awe ihotthema ikuru co nookwa ni ihoniturusela tho ukumi vathi va (**Yohani 19:33-34, Macipo 118:17**).

IKURU CO’PHOME YA YESU MWA APINATAMU

Sotwani nawoova venci iphome ya Yesu, phimaana khandthuna wiira itthumiriye kontha irina nleehano mwa apinatamu ni ihaana ikuru co’tthema venci venci mahuku oomalihera ala.

1.Iphome ya Yesu – ihaana ukumi, ihonfutta nookwa ni ihonivaha tho ukumi. Nlattu wo’kumi waakhenleehu, uhoniluttaaniha ni Nluku nlattu woonaataniha. (**Aroma 3:25**).

2. Iphome ya Yesu – ihonitatusa atthu awe Nluku. Yeeyo iphome iyo phinithumile mmatatani mwa mwiinani n’unitaphula. Hi noothatuwa athu awe Nluku nkumi, khaninakhala tho oopatthiya ni sotwani, nihothuminya n’iphome yoorera cinene, vano nna niri ootaphuwa (**Wiicoonihera 6:9, Miteko 20:28,1 Peturu 1: 18-19**).

3. Iphome ya Yesu – ihofutta itampi cihu n’unitatusa ootaphuwa ni onaanaano **Mateu 26:27-28, Annaheperi 9 :22; 1, Yohani 1:7**.

4. Iphome ya Yesu – inaanivaha nkhikicero vathi va, inaanikhuneela n’unikhikicera ikuru co mpiphini, co’retta cothene ni ikhotto cinniwiheraawe mwinani (sotwani).

5. Iphome ya Yesu – inaanivaha ulipa irima wacera wiira naane, nitheme ikhotto yo munnepani inanehu ni sotwani mpaka waattamerya wa hicieni wo’mwene wo wirimu kontha honirapiha ni honivaha ukupaliya wamithoni wa Nluku (**Annaheperi 10:19**).

NCIPO

Iphome ya Yesu x3
Inaarapiha cinene
Nikuru ca sotwani co'ttheminya ni Yesu x3
Attottopeliye Apwiya
Niikuru ca sotwani cottheminya ni Yesu x3
Attottopeliye Apwiya
Yesu nahala uturuwa x3
Wiira aakuse ikereca.

IKURU CO NSALAPA MWA APINATAMU

Cihaavo ikuru wa nsalapani nlahanya wo wattakaciya Yesu nihotthatuwa otaphuwa. Ikuru co nsalapa cotapula iroho cihu ntampini ni mukhwani ni nihaakhela ukumi woohimala. Ninkhala ni Yesu Kristu nlattu wo'kuru co nsalapa caakhenleehu wa nsalapani, ale othene anonkupali Yesu ahokhomeliya irutthu aya wansalapani, m'ukhwani ahaakhela ukumi woohimala. Nahokhwa nlattu wo itampi vano ninkhala ni Yesu.

1. Ikuru co nsalapa – cihoopola iroho cihu. Iroho iri ntthu owanrimani nokhala ukati wothene, mwa yooyo phiryaya nnepa, yooyo uthumilyawe wa nsalapani ataphulaka muhukhumwiyani wo moroni vano uhokela m'ukumini woohimala (**umwene wo wirimu wa Nluku nkumi**).

2. Ikuru co nsalapa – uyo uhonikumihla umwene wo mpiphini ni uhoniwiiha wumweneni wo warya, wo mwakhontwa (**Yesu Kristu nnasaree a Nluku**).

3. Ikuru co nsalapa – uyo uhonivaha uyuulupaale wiira nipatthe ni nilamule vathi va ni Yesu Kristu, kontha ninonthumiri Yesu toko nhooledi ehu vathi va, **Luka 10:19**.

4. Ikuru co nsalapa – nnyo cihonivaha ucuwannya nttuniani wo munnepani wiira hi niri asineene umwene wo wirimu. Nihantikhiya wayuuci wihu wiira mphantte ehu uri umwene wooculo, sotwani kharina ikuru mwa hi, nootaphuliya mupatthiyani n'umwene wa sotwani.

5. Ikuru co nsalapa – cenny co'nivaha nafaasi wiira uhaawo ukisiya wo'kereca.

6. Ikuru co nsalapa – cihonivaha waarya, kontha ya ntthu nehaninya Yesu nihothatuwa waarya toko uyo vathi va.

Nithuminye ni nttenko wo'rika wa nsalapani ni iphome ya Yesu n'ikuru co nsalapa. Nhinanarihe coowara cinyu cittakattifu ciwanreenyu nnari owoopwa, kontha nyu nri ohiyeriya nnepa nttakattifu uvahiyenyu toko yokhuluvelihiya wamwakhelaka Yesu. Uhinaaya uswali upanke toko iswali yo'rukunusa nrima wacera wiira, wakhalaka ni Nluku ukhaleke orera wacera motheryaci (sotwani) hikhalane yowootheryani ni iswali cinyu cikhale makhura oonukhela wa Nluku. O woopwa othene ahokhikiceriya ni ikuru ca Nluku, ari orukureriya ni mooro woopharela (mooro umpaha), ni iphome ya Yesu inawarukurerya ukati wothene, ancelo attakattifu aneera yaakhikiceraka mpaka mwinani uhoorya wuuphwanyani.

Wankupanliinyu Yesu toko moopoli enyu nhokhuma uttuniyani wo mpiphini (utampini) vano nhokela nttuniyani wo waarya (uttakattifu).



ISWALI CO TAPHULIYA

NKALAPOSO NI IRETTA CIKHWAWE

1. CIPWESAKACIYAKA NI UTANKULACIYA MALEEHANO N'IKHIPULA CA'MUCI M'UKUMINI MWIHU.

Paapa, mwa ncina na Yesu Kristu nnasaree ri nkumi, kinapwesa n'utankulaca ikhipula cothene citekiye ni nnyo ciluttanihiye ni mi nlattu wo itthu piitthu ya waka, y'asanaka, assunnaka. Mi kintthumiri ncina na Yesu Kristu, wiira kipwesakace ikhipula cothene coonanara cinittukile. Mi iroho aka, ukumi aka wothene kinamwalanana ni ikhipula yonanara yothene. Kinawaveleliha ancelo attakattifu wiira aviravire mapuro othene ari anorontta a sotwani wiira akitthuke atthuna kittharihelele utthuna waya ni conanara caya, yaayo atthukiye, avariye ni apahiye ni mooro mwa ncina na Yesu. Mi kintthumiri iphome ya Yesu wiira kifutte n'upwesakaca ikilapho cothene ni nleehano nipankiye nlattu wo wulumaca atthu okhalayi ni mayaapwinnya o nihimoni waka. Ihantikhiya, **Wiiconihera 12:11.**

"Ayo yahontthema nlattu wo'phome yo mwakhontwaa ni nuulumo no'saahiti; ni khayaafentile ukumi aya mpaka ukhwa".

Mi kintthumiri iphome ya Yesu wiira kipwesakace ni kittiyelele maleehano othene ootakhala. Ni kinaapaha ni mooro wo Nnepa Nttakattifu ikhipula cothene ni co wootheryaciya. Mi kintthumiri ikatana iri nuulumo na Nluku, kihokwattula uluttaana waari mi n'ikhipula ni kihetaphula. Mi kintthumiri iphome ya Yesu wiira nifuttiye ncina naka nlivuruni yo nleehano noonanara ni nantikhiye nlivuruni yo'kumi woohimala. Mi kinahiya iphome ya Yesu iviravire mwirutthuni mwaka, warohoni waka ni ifutte ulaphiya wothene, nleehano nothene ni kinawiira kikhale awawe Yesu Kristu. Mi kintthumiri iphome ya Yesu wiira kipanke nleehano nonaanaano no'phome ni kikhale a Yesu. Mi kiri awawe Nluku Nkumi, ukhuma nenna mpaka uhoolo akinakhala a sotwani. Kinawuusukuruni, Apwiya Yesu nlattu wo'koopola, ukilevelela, ukitaphula ni ukipankela nleehano ni'phome yawinhu, **ameni.**

2. ISWALI CO WIIRA UTAPHUWE IKURU CO MPIPHINI

N'ukaviheriya ni ikuru ca moraru nnttakattifu ca Nluku, maanaya wiira Nluku athumwane, nluku mwana ni Nluku Nnepa Nnttakattifu, mi kinawitaphula mwa cothene, ikuru co mpiphini ciitakanihenre mwa mi nnttuniyani wo munnepani. Yesu, mi kinakumiha miteko cothene co maciini, sotwani, co'kwiri ni co masiikwitti cennyoy catthumiriya wiira utankulaciye ukumi aka. Mi kintthumiri, mooro wo Nnepa Nnttakattifu wiira kipahe itthu piitthu yo mwene wo mpiphini mwa ncina na Yesu. Mi kiri omwalaana khula ittu inkhotthiha wiira mi kihiphwanye umwene ni wiira kihikhalane nipuro nomaana unkelaaka, mi kinatthumiri inutto iri nulumo na Nluku, kinaapwesa khula isiri, mwako ni Khula itthu ineesiya uhoolo ni ittiyelelaka mapuro othene. Khula nlepa, nhuuri, iselu ivahiyaaka nttuniyani yo munnepani inkittonkaca wiira kiri oopatthiya ni sotwani Kinaafutta ni iphome ya Yesu. Mi kinaapwesakaca nleehano nothene no mpiphini ninluttaana ni mi nntlattu wo ikuru co'wara, coolya, mittora mwa ncina na Yesu. Kinalamulela wiira ncuwa no'sariya nikhale nowaarya ukhuma nenna mu'kumini mwaka mothene ni ntthunihere wiira mooro wo Nnepa Nnttakattifu upahe co'lakeliya cothene, cotakhala cothene cenani aka othene mwa ncina na Yesu Kristu nnasaree. Mi kintthumiri iphome ya Yesu, kinapwesakaca ikhipula cotakhala cothene, kinatankulaca isataka cotakhala cothene cipankiye cinrusanana n'ukumi aka. Kinafututa irunku aka n'iroho aka cennyoy ikhipula nnyoy ni kinawitaphula ukhuma nenna va. Mi cicammo kinaatthukulela nhakhu aka ni kinahokolosa maali aka ni ncurukhu ukusiye ni mwinani urwuehiyaka ittuninya yo munnepani. Kinaahokolosa cothene cinnyiye cinari co mareeriho, yoottopoteliya, uthelana tho womaana n'imphome ya Yesu. Kinaatthuna wiira ikuru co Nnepa Nnttakattifu ukihoolele ni ukhikicere ukumi aka wothene ni ukitaphule nkuru co mpiphini. Kinawosukuroni pwiya Yesu nlatto wo'koopola, **ameni**.

3. WAASWALELA ASANA EHU

Apwiya Yesu, kihaawiiha asana aka wa nyu, kinawuvahani wiira awiweleleni, yuufenteni, yuutthwareni ni yuuttotopeleni wo'khweli nisariya, nyu inri Nluku aya mwa ncina na Yesu, ihantikhiya mwa, **Mateu 19:14.**

“Yesu aheera: Mwaahiye asaana ayo, nhaateelihe uwa waryaka kontha umwene wo wirimu uri wawaya.”

Nihokupaleela waarumela Apwiya o ma apwiya, Nluku nkumi wiira ri Nluku ihu. Kinawaawayaniha asana aka na anluku uttuninya ila mwa ncina na Yesu. Mi kintthumiri iphome ya Yesu wiira kawayanihe ni nleehano n'othene ni luttanihiye aya, anacuwenle. Atthuna wo'hicula. Kinawakhuneela asana aka ni'phome ya Yesu ukati w'othene wo'kumi aya, mapuro othene ankela aya ni ankhuma aya, kinaakhuneela niphome ya Yesu, icoolya ni masi anwuryaya mapuro othene ankhala aya. Kinawaawayaniha asana aka n'asipatthani aya atthuna aalimu o'takaneela n'anluku o'ttuninya ila. Mi kinaatthuka nkhora wo'mooroni ni wowuukhwani khurina ikuru mwasaana aka. Mi kinahimyaca ureerihya waya yaayo, mpuha, nnepa wohiimaaliha, paasopa, ankhili, ucuwelaca, utteeliya ni nnepa wo umwaavya Nluku ukhuma nenna mpaka mahuku otthene. Kihosukuruni Pwiya Yesu nlattu wo'walevelela asana aka ni wo'topola, **ameni.**

4. ISWALI CONTHELI NIHU

Mwa ncina n'invikana macina othene, ncina na Yesu Kristu nnasaree, kinakhuneela ntheli nihi ni iphome ya Yesu. Pwiya Yesu, mi kinaawihanani wiira mootopole uthelana wihu inhina mo'kuru co mpiphini. Mwa ncina na Yesu, kinaalamulela wiira ahooleli othene o mpiphini a velelihiye wiira apurulace nutankulaca ntheli naka awuluwe ni akhwaace mwa ncina na Yesu. Mi kintthumiri ikuru co'phome ca Yesu wiira afuttakace ulaphiya wothene,

cilakeliye upankiya co'takhala cinaana n'intheli naka. Mi kinawaahimyacera eenani othene ahinonnya ni kinaawaatankulaca mwa ncina na Yesu, kinaakhotta wiira ntheli naka nihihononinye ni nihitankulaciye hata nnepa wo'vololiha uhohonone ntheli naka mwa ncina na Yesu. Kinaafutta n'iphome ya Yesu uhukhumwinya ni wootheryaciya wo ntheli naka. Nnepa Nttakattifu, upwesakace, utankulace, isiri yo'thene, ni yo'ttiyelela yeesiye uhoolo wo ntheli naka mwa ncina na Yesu. Mi n'amuci aka othene nihothanla wiira ninrumeele Nluku ri nkumi. Kinaatthuka mikhora cothene co nnepa wo'kuru mpaka nnepa wo'mooroni unaanana ntheli naka. Kinaakhuneela mikhora cihu cothene n'iphome ya Yesu ukhuma nenna mpaka mahuku othene. Kinaavirela isiri yo mooro ni kinaakhuneela ntheli naka n'iphome ya Yesu ukati wothene. Uwa woorera Pwiya Yesu, nhoolele ukumi ehu ukhuma nenna mpaka mahuku othene, **ameni**.

5. ISWALI CO'SUKURU

Papa munkomile nipuro noorekama cinene, kinaawa waarinyu ni wusukuruni cinene. Asantte nlattu wo'kumi aka, wo'phumu caka, wo nifento nirineenyu wa mi nlattu wa Yesu Kristu ciryawe mwakihi aka wa nyu. Asantte waana upankileenyu ni eenani aka n'ukithanla toko mwana enyu nophwanela ukela w'umweneni winyu. Asantte nlattu wookikhikicera ni ancelo attakattifu ahinrupa uthana n'uhiyu akikhikiceraka nlattu wo'kilevelela itampi caka cothene cipankilyaka ikhumelo iyareelo mpaka nna va. Asantte nlattu wo'khikicera nhakhu aka, ntheli naka, nteko aka ni ukiitthelela nnema ninyu. Asantte nlattu wo'kopola ikuru co mpiphini n'ukivaha ihathuwa yo'khala mu'mweneni wo waarya mwa Yesu Kristu ni wa Nluku nkumi – Nluku o'Sirayeli toko Nluku aka nolanuliyaka nttottopela, nrumeela yooyo ri ntthawealelo aka.

**MWIIPE NNYA ICIPO NNYA WIIRA NKWANIHERE ISWALI CINYU
CO'TTOTTOPELA**

Icipo co'ttottompela (mwipe mwattottompele Apwiya).

1. Khaawo Nluku toko nyu, Pwiya
2. Kinawusukuruni nnema ninyu
3. Niri nifento na Yesu
4. Kihaana Apaapa ahinvonyaniha

Asantte Pwiya Yesu nlattu wo'nifento ninyu.

NHUPI AKA WA NYU

Nsome nuulumo na Nluku (Ipipiliya), ntthuke-ramatani, nswali venci, nvare miteko coorera, mwiiwelele moolumo a Nluku ari makumi, aarumeyi awe o'khweli ni nvarecese uttakattifu awe. Kimphavela wiira nreerihye venci n'utthema venci munkwahani mo woopwa winyu. Ikereca y'Apwiya ihanle vakani ukusiya, co'wantikhiya ciherannya, nhaahiye Apwiya, nkhole n'ukhumi weetakattifu, wacera nyu nthatuwe othanliya nnowehererya ukusiya.

Nuuteliya nrima ncanke ncurukhu yincivihye yo wantikhiya ila, waacera wirra atthu enci akele umwene wo wirimu ni Apwiya akhole oohepha nihuku ninhala'ya ukusa ikereca.

Ncanke ncurukhu nveelihaka wa ala macina ala:

Jesus Christ Ambassadors

M-pesa: + 255755734678

Ilapo yo Tansaniya

Apacerihile wantikha ilivuru ila,

Petrida Karch

E-mail: petridakarch@gmail.com

Cell: +491758114293